





刺檀弓

或曰檀弓多附會非孔氏之徒
之書也篇中有仲梁子蓋七
國人嘗讀春秋傳魯定之五
年傳載仲梁懷豈亦七國人
耶其不得孰是而謂是書也

出於七國後明矣書詩尚矣
醇則不能無疵是以仲尼刪
定焉茲固成於泣麟後筆削
所未逮焉者急得而盡雅馴
哉然則我與若亦既其文而
已矣若夫語簡而賦旨微而

達峻如懸崖峙后捷於足電流
光自是古今第一偉觀也楊
用脩氏謂非扛千斛龍文鉉
力未許認此豈虛言哉有宋
謝疊山先生舊有批點全篇
行於世邇為坊刻竄易并經

文菱夷之非本來矣頃從從
弟子京所見謝高泉先生所
校本蓋舊本也兼有用脩附
注援引淹博之脩參稽目彙
注疏集注集說諸書去其繁
而存其要以著於簡端而品

題則仍謝之舊先生丁宋之
季高儀勁節昭々天壤間斯
真能讀擅弓者安在其不雅
馴哉

皇明萬曆丙辰龜九月剗廟
告成彫鏤既極人工為之一

林云

箋

吳興後學閔齋伋



檀弓

上篇

公儀仲子之喪。檀弓免焉。仲子舍其孫而立其

子。檀弓曰：「何居！我未之前聞也。」趨而就子服伯

子於門右，曰：「仲子舍其孫而立其子，何也？」伯子

曰：「仲子亦猶行古之道也。」昔者文王舍伯邑考

而立武王，微子舍其孫臚而立衍也。夫仲子亦

猶行古之道也。子游問諸孔子，孔子曰：「否！立孫。」

古者莊穆他邦無親
朋友焉之祖也仲子
舍適立庶父兄不計
正禮之以為猶繼則
也故為之免以示敬
免以希屬寸從項中
而前文於額又却向
後而繞於臂本之也
之服

何居只是何也

與夜如何其問

義何也則為何

居則適

豈一句法使人

悟其意

犯隱者無致方心
只七字安頓得好
便省幾多

方比方於親也
無犯同親之恩無
隱同君之義

合葬有殊

禮記

事親有隱而無犯。左右就養無方。服勤至死。致
喪三年。事君有犯而無隱。左右就養有方。服勤
至死。方喪三年。事師無犯無隱。左右就養無方。
服勤至死。心喪三年。
季武子成寢。杜氏之葬。在西階之下。請合葬焉。
許之。入宮而不敢哭。武子曰。合葬。非古也。自周
公以來。未之有改也。吾許其大而不許其細。何
居命之哭。

先拜賓順於事也
此殷之拜禋至也
先觸地無容哀戚
之至此周之拜

子上之母死而不喪門人問諸子思曰昔者子
之先君子喪出母乎曰然子之不使白也喪之
何也子思曰昔者吾先君子無所失道道隆則
從而隆道污則從而污伋則安能爲伋也妻者
是爲白也母不爲伋也妻者是不爲白也母故
孔氏之不喪出母自子思始也

孔子曰拜而后稽顙顙乎其順也稽顙而后拜
頎乎其至也三年之喪吾從其至者

只是周行四方
下東西南北字
便奇異

禮記

孔子既得合葬於防。曰：吾聞之古也。墓而不墳。
今丘也。東西南北之人也。不可以弗識也。於是
封之。崇四尺。孔子先反。門人後。雨甚。至。孔子問
焉。曰：爾來何遲也。曰：防墓崩。孔子不應。三。孔子
泫然流涕曰：吾聞之。古不脩墓。

孔子哭子路於中庭。有人弔者而夫子拜之。既
哭。進使者而問故。使者曰：醢之矣。遂命覆醢。
曾子曰：朋友之墓。有宿草而不哭焉。

死者之矣。死者之
心。終其身而弗忘
弗忘。故有終身之
憂。無悔。故無一朝
之患。
既葬曰。子
墓父墓。殯殯母喪
也。
殯。殯。馬引去。殯
殯。引歸。棺以殯。葬
引。葬。葬。以。葬。葬。
明。殯。引。引。

子思曰。喪三日而殯。凡附於身者。必誠。必信。勿
之有悔焉耳矣。三月而葬。凡附於棺者。必誠。必
信。勿之有悔焉耳矣。喪三年。以為極。亡則弗之
忘矣。故君子有終身之憂。而無一朝之患。故忌
日不樂。

孔子少孤。不知其墓。殯於五父之衢。人之見之
者。皆以為葬也。其慎也。蓋殯也。問於邾曼父之
母。然後得合葬於防。

是謂朝注禮記論
春不相持者不歌

禮便不如此時

聖周治土為難四

問於家也

禮記云夏后氏祭民
開吳人祭其陽國人
祭日以朝及嗣故下
臨與祭實明而行事
則大事用日出者祭
以朝之實明也無六
如之故曰大事無用
日出

鄰有喪春不相里有殯不巷歌喪冠不綏

有虞氏瓦棺夏后氏塋周殷人棺槨周人牆置

窆周人以殷人之棺槨葬長殯以夏后氏之塋

周葬中殤下殤以有虞氏之瓦棺葬無服之殤

夏后氏尚黑大事斂用昏戎事乘驪牲用玄殷

人尚白大事斂用日中戎事乘翰牲用白周人

尚赤大事斂用日出戎事乘騂牲用騂

穆公之母卒使人問於曾子曰如之何對曰申

此通于言
餘集有詩以卷之五
言魯剛陽大直也
衛用而魯舊則魯
便誠衛也魯也便精
神

簡

妙在亥字傷字

僅百五十字而包
括曲折有餘人
言不盡者左傳國
語較深嘗載列
並觀之優劣自見

也聞諸申之父曰哭泣之哀齊斬之情饘粥之
食自天子達布幕衛也終幕魯也

晉獻公將殺其世子申生公子重耳謂之曰子

蓋言子之志於公乎世子曰不可君安驪姬是

我傷公之心也曰然則蓋行乎世子曰不可君

謂我欲弑君也天下豈有無父之國哉吾何行

如之使人辭於狐突曰申生有罪不念伯氏之

言也以及於死申生不敢愛其死雖然吾君老

矣子少國家多難伯氏不出而圖吾君帝曰伯氏苟出而圖吾君申生受賜而死再拜稽首乃卒是以爲恭世子也帝曰

暑文

施而嚴

魯人有朝祥而莫歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也帝曰

魯莊公及宋人戰於乘丘春秋縣賁父御卜國爲右

馬驚敗績公隊佐車授綏公曰末之卜也縣賁

乘丘戰在乘丘
馬驚敗績不在右
記稱縣賁而不書

耳
未及以見其面及

父曰他日不敗績而今敗績是無勇也遂死之
圉人浴馬有流矢在白肉公曰非其罪也遂誅
之士之有誅自此始也

曾子寢疾病樂正子春坐於牀下曾元曾申坐
於足童子隅坐而執燭童子曰華而眈大夫之
簀與子春曰止曾子聞之瞿然曰呼曰華而眈
大夫之簀與曾子曰然斯季孫之賜也我未之
能易也元起易簀曾元曰夫子之病革矣不可

以變幸而至於旦請敬易之曾子曰爾之愛我也
也不如彼君子之愛人也以德細人之愛人也
以姑息吾何求哉吾得正而斃焉斯已矣舉扶
而易之反席未安而沒

始死充充如有窮既殯瞿瞿如有求而弗得既
葬皇皇如有望而弗至練而慨然祥而廓然

邾婁復之以矢蓋自戰於升陘始也魯婦人之

髮而弔也自敗於臺鮒始也

後招魂也死傷多
甲中無衣至於川
矢鑿以居喪不以
中皆有喪故舉而

山則大綱而義其
經之實也
明太息太廣如
哀之鑿也總束髮
垂為飾

南宮縚之妻之姑之喪夫子誨之髻曰南宮縚之妻之姑之喪夫子誨之髻曰罔母從從爾爾母扈扈爾蓋榛以為笄長尺而總八寸孟獻子禪孟獻子禪縣而不樂比御而不入夫子曰獻子加於人加於人一等矣一等矣

孔子既祥五日彈琴而不成聲十日而成笙歌有子蓋既祥而絲屨組纓

死而不弔者三畏厭溺

子路有姊之喪可以除之矣而弗除也孔子曰

何弗除也。子路曰：吾寡兄弟而弗忍也。孔子曰：先王制禮，行道之人皆弗忍也。子路聞之，遂除之。

太公封於營丘，比及五世，皆反葬於周。君子曰：樂樂其所自生，禮不忘其本。古之人有言曰：狐死正丘首，仁也。

伯魚之母死，期而猶哭。夫子聞之，曰：誰與哭者？

門人曰：鯉也。夫子曰：嘻，其甚也。伯魚聞之，遂除

丘狐窟穴，首以首
向之

不書不當哭，但此
其書意在言外

御長妃娥皇次妃
女英生商均次妃
帝比生二女實明
燭光言合葬之事
古人所無自周公
始耳

用脩云彙集廣
也

未暇從新未及
易舊故就虛闕
而餘為真

之

舜葬於蒼梧之野蓋三妃未之從也季武子曰

周公蓋祔

曾子之喪浴於爨室

大功廢業或曰大功誦可也

子張病召申祥而語之曰君子曰終小人曰死

吾今日其庶幾乎

曾子曰始死之奠其餘閣也與

直子

叔嫂無服婦人小
功故子思哭嫂妻
獨踊而已踊之中
釋哭妻之弟也
無服猶曰為伯則
小功可知矣

檀弓

曾子曰小功不為位也者是委巷之禮也子思
之哭嫂也為位婦人倡踊申祥之哭言思也亦
然。

水不流之哭處為委巷此亦
無節可去委巷猶示一節於此

古者冠縮縫今也衡縫故喪冠之反吉非古也
曾子謂子思曰伋吾執親之喪也水漿不入於
口者七日子思曰先王之制禮也過之者俯而
就之不至焉者跂而及之故君子之執親之喪
也水漿不入於口者三日杖而后能起

韓退之云以道與

聞其死後為之耶

時代

曾子曰小功不稅則是遠兄弟終無服也而可乎

伯高之喪。孔氏之使者未至。冉子攝束帛乘馬而將之。孔子曰：「異哉！徒使我不誠於伯高。」

伯高死於衛。赴於孔子。孔子曰：「吾惡乎哭諸？」兄

弟。吾哭諸廟。父之友。吾哭諸廟門之外。師。吾哭

諸寢朋友。吾哭諸寢門之外。所知。吾哭諸野。於。

野則已疏於寢則已重夫由賜也見我吾哭諸

檀弓

賜氏遂命子貢爲之主曰爲爾哭也來者拜之
知伯高而來者勿拜也

曾子曰喪有疾食肉飲酒必有草木之滋焉以
爲薑桂之謂也

子夏喪其子而喪其明曾子弔之曰吾聞之也
朋友喪明則哭之曾子哭子夏亦哭曰天乎予
之無罪也曾子怒曰商女何無罪也吾與女事
夫子於洙泗之間退而老於西河之上使西河

子也。後篇疑於君臣
於臣易傳陰疑於阻
必戰。韓非子所有疑
之之義。尊有疑嫡子
子疑有疑相之臣。臣
有疑主之寵。乘了用
惑不令乃疑於神。又
作此書。

之民疑女於夫子爾罪一也喪爾親使民未有
聞焉爾罪二也喪爾子喪爾明爾罪三也而曰
爾何無罪與子夏投其杖而拜曰吾過矣吾過
矣吾離羣而索居亦已久矣

夫晝居於內問其疾可也夜居於外弔之可也
是故君子非有大故不宿於外非致齊也非疾
也不晝夜居於內

高子皐之執親之喪也。泣血三年。未嘗見齒。君

周書有朝服
勝七子物蓋清
之精粗當猶魚
生起必正不以
坐

檀弓

子以爲難

衰與其不當物也寧無衰齊衰不以邊坐大功

不以服勤

孔子之衛遇舊館人之喪入而哭之哀出使子

貢說驂而賻之子貢曰於門人之喪未有所說

驂說驂於舊館無乃已重乎夫子曰予鄉者入

而哭之遇於一哀而出涕予惡夫涕之無從也

小子行之

尚君又手以石
手在土喪出石
太陰也

孔子在衛有送葬者而夫子觀之曰善哉爲喪
乎足以爲法矣小子識之子貢曰夫子何善爾
也曰其往也如慕其反也如疑子貢曰豈若速
反而虞乎子曰小子識之我未之能行也
顏淵之喪饋祥肉孔子出受之入彈琴而后食
之

孔子與門人立拱而尚右二三子亦皆尚右孔
子曰二三子之嗜學也我則有姊之喪故也二

三子皆尚左

劉尚書美中家
有古本禮記
本其壞下有則
吾將安從五字

孔子蚤作。負手曳杖。消搖於門。歌曰。泰山其頽乎。梁木其壞乎。哲人其萎乎。既歌而入。當戶而坐。子貢聞之曰。泰山其頽。則吾將安仰。梁木其壞。哲人其萎。則吾將安放。夫子殆將病也。遂趨而入。夫子曰。賜。爾來何遲也。夏后氏殯於東階之上。則猶在阼也。殷人殯於兩楹之間。則與賓主夾之也。周人殯於西階之上。則猶賓之也。而

牆以布帶如布帶
翼以布衣衣如布
翼之屬也據以布
相也素牙旗旗飾
細素素錦也施之
廣布幅長尋曰施

丘也殷人也。予疇昔之夜夢坐奠於兩楹之間。夫明王不興而天下其孰能宗予？予殆將死也。蓋寢疾七日而沒。

孔子之喪，門人疑所服。子貢曰：昔者夫子之喪，顏淵若喪子而無服，喪子路亦然。請喪夫子若喪父而無服。

孔子之喪，公西赤爲志焉：飾棺，牆，置翼，設披，周也。設崇，殷也。綢練，設旒，夏也。

褚幕丹質蟻結於四
上其形似蟻士則而
褚公明儀為其師姑
與居而不為蟻結
如蟻之往來交結也
與殷士葬之節子張
厚孔子故微服禮

天文比斗魁為
省杓為杓

檀弓

子張之喪公明儀為志焉褚幕丹質蟻結於四

隅殷士也

子夏問於孔子曰居父母之仇如之何夫子曰

寢苫枕干不仕弗與共天下也遇諸市朝不反

兵而鬪曰請問居昆弟之仇如之何曰仕弗與

共國銜君命而使雖遇之不鬪曰請問居從父

昆弟之仇如之何曰不為魁主人能則執兵而

陪其後

易治也 變治草木
門之臨師
經則經而出
也

祖祖墳填池徽
也

孔子之喪二三子皆經而出羣居則經出則否
易墓非古也

子路曰吾聞諸夫子喪禮與其哀不足而禮有
餘也不若禮不足而哀有餘也祭禮與其敬不
足而禮有餘也不若禮不足而敬有餘也

曾子弔於負夏主人既祖填池推柩而反之降

婦人而后行禮從者曰禮與曾子曰夫祖者且

也且胡爲其不可以反宿也從者又問諸子游

但一者連無退而
至禮終禮之始
出和者謂主人予
親之之辭多矣乎
不欲深指其失也

二者雖情異而
義同

禮記

曰禮與子游曰飯於牖下小斂於戶內大斂於
阼殯於客位祖於庭葬於墓所以即遠也故喪
事有進而無退曾子聞之曰多矣乎予出祖者
曾子襲裘而弔子游裼裘而弔曾子指子游而
示人曰夫夫也爲習於禮者如之何其裼裘而
弔也主人旣小斂袒括髮子游趨而出襲裘帶
經而入曾子曰我過矣我過矣夫夫是也
子夏旣除喪而見予之琴和之而不和彈之而

及詩禮言子
與車夫子與琴
與琴而後行：而
樂聞子與喪畢夫
子與琴援琴而鼓
切：而哀
惠子立庶文子不
能言子游有朋友
之道益正而不可
得然重為之服而
以從其親也親有
可正之恩託臣之
位能以視其臣唯
臣有可正之義與
禮子之義則意
禮文子若未全曰

不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉

司寇惠子之喪子游為之麻衰牡麻經文子辭

曰子辱與彌牟之弟游又辱為之服敢辭子游

曰禮也文子退反哭子游趨而就諸臣之位文

子又辭曰子辱與彌牟之弟游又辱為之服又

辱臨其喪敢辭子游曰固以請文子退扶適子

彌年者彌年二字
及訖為永品聰者
若曰彌年也

彌子所謂橫室
臨歿語安帖力
相易也

檀弓

南面而立曰子辱與彌牟之弟游又辱為之服
又辱臨其喪虎也敢不復位子游趨而就客位
將軍文子之喪既除喪而後越人來弔主人深
衣練冠待于廟垂涕洟子游觀之曰將軍文氏
之子其庶幾乎亡於禮者之禮也其動也中
幼名冠字五十以伯仲死諡周道也經也者實
也掘中雷而浴毀竈以綴足及葬毀宗躐行出
于大門殷道也學者行之

湘不可一在前一
在後俱有章法去
人片語不離下地

子柳之母死子碩請具子柳曰何以哉子碩曰
請粥庶弟之母子柳曰如之何其粥人之母以
葬其母也不可既葬子碩欲以賻布之餘具祭
器子柳曰不可吾聞之也君子不家於喪請班
諸兄弟之貧者

君子曰謀人之軍師敗則死之謀人之邦邑危
則亡之

公叔文子升於瑕丘蘧伯玉從文子曰樂哉斯

請前請為，陳定
其所以為其意

言義

聖賢失其哭無
休三字用客日

蓋者

尸出戶始知括非
禮也蓋反言以喻

十

卜占注云堂竹園中
子曰後世儒術官
用此義也或以相

禮記

丘也死則我欲葬焉。遽伯玉曰：吾子樂之則瑗
請前。

弁人有其母死而孺子泣者。孔子曰：哀則哀矣，
而難為繼也。夫禮為可傳也，為可繼也，故哭踊
有節。

叔孫武叔之母死，既小斂，舉者出戶，出戶袒且
投其冠，括髮。子游曰：知禮。

扶君。卜人師扶右，射人師扶左，君薨以是舉。

葬是也。葬之衣與
男之衣。相別。服注
疏。謂曰
葬。我其禮而故
之。何折。上。猶其經
而。之。喪。之。之
之。之。太。舒。何
凡。得。中

從母之夫舅之妻二夫人相為服君子未之言也或曰同爨總

喪事欲其縱縱爾吉事欲其折折爾故喪事雖

遽不陵節吉事雖止不怠故騷騷爾則野鼎鼎

爾則小人君子蓋猶猶爾

喪具君子恥具一日二日而可為也者君子弗

為也

喪服兄弟之子猶子也蓋引而進之也嫂叔之

無服也。蓋推而遠之也。姑姊妹之薄也。蓋有受
我而厚之者也。

食於有喪者之側。未嘗飽也。

曾子與客立於門側。其徒趨而出。曾子曰。爾將
何之。曰。吾父死。將出哭於巷。曰。反哭於爾次。曾
子北面而弔焉。

孔子曰。之死而致死之。不仁。而不可爲也。之死
而致生之。不知。而不可爲也。是故竹不成用。瓦

不成味木不成斲琴瑟張而不平竽笙備而不
和有鐘磬而無篳盧其曰明器神明之也

有子問於曾子曰問喪於夫子乎曰聞之矣喪

欲速貧死欲速朽有子曰是非君子之言也曾

子曰參也聞諸夫子也有子又曰是非君子之

言也曾子曰參也與子游聞之有子曰然然則

夫子有爲言之也曾子以斯言告於子游子游

曰甚哉有子之言似夫子也昔者夫子居於宋

見桓司馬自爲石槨三年而不成。夫子曰：若是其靡也，死不如速朽之愈也；死之欲速朽，爲桓司馬言之也。南宮敬叔反，必載寶而朝。夫子曰：若是其貨也，喪不如速貧之愈也；喪之欲速貧，爲敬叔言之也。曾子以子游之言告於有子，有子曰：然，吾固曰非夫子之言也。曾子曰：子何以知之？有子曰：夫子制於中都，四寸之棺，五寸之槨，以斯知不欲速朽也。昔者夫子失魯司寇，將

之荆蓋先之以子夏又申之以冉有以斯知不欲速貧也

陳莊子死赴於魯魯人欲勿哭繆公召縣子而問焉縣子曰古之大夫束脩之問不出竟雖欲哭之安得而哭之今之大夫交政於中國雖欲勿哭焉得而弗哭且臣聞之哭有二道有愛而哭之有畏而哭之公曰然然則如之何而可縣子曰請哭諸異姓之廟於是與哭諸縣氏

仲憲言於曾子曰夏后氏用明器示民無知也
殷人用祭器示民有知也周人兼用之示民疑
也曾子曰其不然乎其不然乎夫明器鬼器也
祭器人器也夫古之人胡爲而死其親乎

公叔木有同母異父之昆弟死問於子游子游
曰其大功乎狄儀有同母異父之昆弟死問於
子夏子夏曰我未之前聞也魯人則爲之齊衰
狄儀行齊衰今之齊衰狄儀之問也

不曰自狄儀始者

以魯人前此爲之

狄儀行齊衰之

子思之母死於衛柳若謂子思曰子聖人之後也四方於子乎觀禮子蓋慎諸子思曰吾何慎哉吾聞之有其禮無其財君子弗行也有其禮有其財無其時君子弗行也吾何慎哉

縣子瑣曰吾聞之古者不降上下各以其親滕伯文爲孟虎齊衰其叔父也爲孟皮齊衰其叔父也

后木曰喪吾聞諸縣子曰夫喪不可不深長思

易經外內

士喪禮小斂之
奠設於尸東以
萬物至於東未
忍死其親也

減子蒲名或云

減絕之義

沽方氏謂即沽

西之古

禮記

也買棺外內易我死則亦然

曾子曰尸未設飾故帷堂小斂而徹帷
曰夫婦方亂故帷堂小斂而徹帷

小斂之奠子游曰於東方曾子曰於西方斂斯
席矣小斂之奠在西方魯禮之末失也

縣子曰綌衰總裳非古也

子蒲卒哭者呼減子臯曰若是野哉哭者改之

杜橋之母之喪宮中無相以爲沽也

夫子曰始死羔裘玄冠者易之而已羔裘玄冠
夫子不以弔

子游問喪具夫子曰稱家之有亡子游曰有亡
惡乎齊夫子曰有毋過禮苟亡矣斂手足形還
葬縣棺而封人豈有非之者哉

司士賁告於子游曰請襲於牀子游曰諾縣子
聞之曰汰哉叔氏專以禮許人

宋襄公葬其夫人醯醢百甕曾子曰既曰明器

以具不稱先王
之哀不以實寔
備此
其制於諸如禮也
若已也禮終極矣
管人世說類

妙在既白而又

字

司徒家臣在下

士時亦有歸後

下士歸還於四

方

檀弓

矣而又實之

孟獻子之喪司徒旅歸四布夫子曰可也

春

讀贈曾子曰非古也是再告也

成子高寢疾慶遺入請曰子之病革矣如至乎

大病則如之何子高曰吾聞之也生有益於人

死不害於人吾縱生無益於人吾可以死害於

人乎哉我死則擇不食之地而葬我焉

子夏問諸夫子曰居君之母與妻之喪居處言

為小君齊哀不以

則然也義則

語飲食術爾

賓客至無所館夫子曰生於我乎館死於我乎殯

周官冢人用爵等
為封土之度與其
闢所以遺後世
孫之識別以告
美也國子為葬之
亦異於禮矣

國子高曰葬也者藏也藏也者欲人之弗得見
也是故衣足以飾身棺周於衣槨周於棺土周
於槨反壤樹之哉

孔子之喪有自燕來觀者舍於子夏氏子夏曰
聖人之葬人與人之葬聖人也子何觀焉昔者

新設用經為提納
上設中十與板平
其正如其若三而
謂之封禁已八月
夫子之志唯從簡
約也

禮記

夫子言之曰吾見封之若堂者矣見若坊者矣
見若覆夏屋者矣見若斧者矣從若斧者焉馬
鬣封之謂也今日而三斬板而已封尚行夫
子之志乎哉
婦人不葛帶
有薦新如朔奠
既葬各以其服除

池視重電

示未成

謂僅僕賣祭山
中靈之不擇靈
者謂祭肉易靈
塵垢脯醢則不

君卽位而爲俾歲一漆之藏焉

復楔齒綴足飯設飾帷堂竝作父兄命赴者

君復於小寢大寢小祖大祖庫門四郊

喪不剝奠也與祭肉也與

既殯旬而布材與明器

朝奠日出夕奠逮日

父母之喪哭無時使必知其反也

練練衣黃裏縗緣葛要經繩屨無絢角瑱鹿裘

衡長祛祛裼之可也

有殯聞遠兄弟之喪雖總必往非兄弟雖鄰不往所識其兄弟不同居者皆弔

天子之棺四重水兕革棺被之其厚三寸槨棺一梓棺二四者皆周

棺束縮二衡三衽每束一栢椁以端長六尺

天子之哭諸侯也爵弁絰紵衣或曰使有司哭

之爲之不以樂食

古者梓不用釘唯以皮束而漢時則以小要如今之銀則不以連合棺與蓋之際

此面塗之節，輿書載其制，車之制也。以制於輿，輿本而輿之，形也。符續，輿之制也。為者，文者，覆車，又四注為屋，覆上而卜，面塗塗之。

左傳而歸有屋，余一人語令記，瞻之如此。

樂，厭冠冠冕，樂。

天非其地，謂之野。

天子之殯也，敢塗龍輴以椁，加斧于椁上，畢塗屋。天子之禮也。

唯天子之喪，有別姓而哭。

魯哀公誅孔丘曰：天不遺耆老，莫相予位焉。嗚呼哀哉尼父。

國亡大縣邑，公卿大夫士皆厭冠哭於大廟。三日，君不舉。或曰：君舉而哭於后土。

孔子惡野哭者。

直方

稅人謂以物還

人

士畢最後入

之喪諸臣畢入

乃俱踊也

齊人葬以水應

書

禮記

未仕者不敢稅人如稅人則以父兄之命

士備入而後朝夕踊祥而縞是月禫徙月樂

君於士有賜帟

檀弓

下篇

君之適長殯車三乘公之庶長殯車一乘大夫

之適長殯車一乘

公之喪諸達官之長杖

君於大夫將葬弔於宮及出命引之三步則止

如是者三君退朝亦如之哀次亦如之

五十無車者不越疆而弔人

達謂得自通於君
君於大夫將葬而
弔既出命引其柩
使行如是者三而
君退或弔於朝廟
之時及次舍皆然
朝振朝廟也

斯道之微乎君了
為能表之亦是倒
句不倒不頓挫

哀樂不同日婦人
無外事

車索曰引柩
曰緋

季武子寢疾。螭固不說齊衰而入。見曰：「斯道也。」

將亡矣。士唯公門說齊衰。武子曰：「不亦善乎？」君

子表微及其喪也。曾點倚其門而歌。

大夫弔當事而至則辭焉。

弔於人。是日不樂。婦人不越疆而弔。人行弔之

日不飲酒食肉焉。

弔於葬者必執引。若從柩及壙皆執紼。

喪公弔之必有拜者。雖朋友州里舍人可也。弔

曰寡君承事主人曰臨

君遇柩於路必使人弔之

大夫之喪庶子不受弔

妻之昆弟爲父後者死哭之適室子爲主袒免
哭踊夫入門右使人立於門外告來者狎則入
哭父在哭於妻之室非爲父後者哭諸異室
有殯聞遠兄弟之喪哭于側室無側室哭于門
內之右同國則往哭之

子張死曾子有母之喪齊衰而往哭之或曰齊衰不以弔曾子曰我弔也與哉

有若之喪悼公弔焉子游擯由左

齊穀王姬之喪魯莊公爲之大功或曰由魯嫁故爲之服姊妹之服或曰外祖母也故爲之服

晉獻公之喪秦穆公使人弔公子重耳且曰寡人聞之亡國恒於斯得國恒於斯雖吾子儼然

在憂服之中喪亦不可久也時亦不可失也孺

古尚左而尚右
左者尊也
殺即告以喪
此二或曰傳統

子其圖之以告舅犯舅犯曰孺子其辭焉喪人
無寶仁親以爲寶父死之謂何又因以爲利而
天下其孰能說之孺子其辭焉公子重耳對客
曰君惠弔亡臣重耳身喪父死不得與於哭泣
之哀以爲君憂父死之謂何或敢有他志以辱
君義稽顙而不拜哭而起起而不私子顯以致
命於穆公穆公曰仁夫公子重耳夫稽顙而不
拜則未爲後也故不成拜哭而起則愛父也起

而不私則遠利也。

帷殯非古也。自敬姜之哭穆伯始也。

喪禮哀戚之至也。節哀順變也。君子念始之者也。

復盡愛之道也。有禱祠之心焉。望反諸幽求諸鬼神之道也。北面求諸幽之義也。

拜稽顙哀戚之至隱也。稽顙隱之甚也。

飯用米貝弗忍虛也。不以食道用美焉耳。

齊魯春秋念父可
生已不取以死

隱痛也

孝為本為之始死
後重以依神祇
後重以依神祇
後重以依神祇
外之道左不敢噴
也

無心為神祇
為神祇而為神

銘明旌也以死者為不可別已故以其旗識之
愛之斯錄之矣敬之斯盡其道焉耳重主道也
殷王綴重焉周王重徹焉奠以素器以生者有
哀素之心也

唯祭祀之禮主人自盡焉爾豈知神之所饗亦
以主人有齊敬之心也

辟踊哀之至也有筭為之節文也袒括髮變也
慍哀之變也去飾去美也袒括髮去飾之甚也

有所袒有所襲哀之節也。

弁經葛而葬與神交之道也。有敬心焉。周人弁而葬。殷人冔而葬。

歆主人主婦室老爲其病也。君命食之也。

反哭升堂反諸其所作也。主婦入于室反諸其所養也。反哭之弔也。哀之至也。反而亡焉失之矣。於是爲甚。殷旣封而弔。周反哭而弔。孔子曰殷已慤吾從周。

文章假借相用

之類

贈以幣送死者職

也宿猶成也舍與

也

聖品後神之人情

也變之禮也謂主

禮也虞也連虞之

後卒哭之前其日

尚難不可無祭以

禮之之往也

善殷謂不設遽死

其類

葬於北方北首三代之達禮也之幽之故也

既封主人贈而祝宿虞尸既反哭主人與有司

視虞牲有司以几筵舍奠於墓左反日中而虞

葬日虞弗忍一日離也是日也以虞易奠

卒哭日成事是日也以吉祭易喪祭明日耐于

祖父其變而之吉祭也此至於耐必於是日也

接不忍一日末有所歸也殷練而耐周卒哭而

耐孔子善殷

檀弓

初謂將葬以柩
朝服

君臨臣喪以巫祝桃茢執戈惡之也所以異於
生也喪有死之道焉先王之所難言也

喪之朝也順死者之孝心也其哀離其室也故
至於祖考之廟而后行殷朝而殯於祖周朝而
遂葬

孔子謂爲明器者知喪道矣備物而不可用也
哀哉死者而用生者之器也不殆於用歟乎哉
其曰明器神明之也塗車芻靈自古有之明器

之道也。孔子謂爲芻靈。善謂爲備者不仁。不
始於用人乎哉。

穆公問於子思曰。爲舊君反服。古與。子思曰。古
之君子。進人以禮。退人以禮。故有舊君反服之
禮也。今之君子。進人若將加諸膝。退人若將隊
諸淵。毋爲戎首。不亦善乎。又何反服之禮之有。
悼公之喪。季昭子問於孟敬子曰。爲君何食。敬
子曰。食粥。天下之達禮也。吾三臣者之不能居

公室也。四方莫不聞矣。勉而爲瘠，則吾能。毋乃使人疑夫不以情居瘠者乎哉？我則食食。

衛司徒敬子死，子夏弔焉。主人未小斂，經而往。子游弔焉。主人旣小斂，子游出，經反哭。子夏曰：聞之也與？曰：聞諸夫子。主人未改服，則不經。

曾子曰：晏子可謂知禮也已。恭敬之有焉。有若曰：晏子一狐裘三十年，遣車一乘，及墓而反。國君七介，遣車七乘，大夫五介，遣車五乘。晏子焉。

解包遺與葬禮
之數七個五個
謂以牲體折為
五七而分藏之

沾爾沾之類之
意母曰我喪也
不寧靜自專之
也

知禮曾子曰國無道君子恥盈禮焉國奢則示之以儉國儉則示之以禮

國昭子之母死問於子張曰葬及墓男子婦人

安位子張曰司徒敬子之喪夫子相男子西鄉

婦人東鄉曰噫毋曰我喪也斯沾爾專之賓為

賓焉主為主焉婦人從男子皆西鄉

穆伯之喪敬姜晝哭文伯之喪晝夜哭孔子曰

知禮矣

文伯之喪。敬姜據其牀而不哭。曰。昔者吾有斯子也。吾以將爲賢人也。吾未嘗以就公室。今及其死也。朋友諸臣未有出涕者。而內人皆行哭失聲。斯子也。必多曠於禮矣夫。

季康子之母死。陳褻衣。敬姜曰。婦人不飾。不敢見舅姑。將有四方之賓來。褻衣何爲陳於斯。命徹之。

有子與子游立。見孺子慕者。有子謂子游曰。予

壹不知夫喪之踴也予欲去之久矣情在於斯
其是也夫子游曰禮有微情者有以故興物者
有直情而徑行者戎狄之道也禮道則不然人
喜則斯陶陶斯咏咏斯猶猶斯舞舞斯愠愠斯
戚戚斯歎歎斯辟辟斯踊矣品節斯斯之謂禮
人死斯惡之矣無能也斯倍之矣是故制絞衾
設萋翬爲使人勿惡也始死脯醢之奠將行遣
而行之旣葬而食之未有見其饗之者也自上

世以來未之有舍也爲使人勿倍也故子之所
刺於禮者亦非禮之訾也

吳侵陳斬祀殺厲師還出竟陳大宰嚭使於師

夫差謂行人儀曰是夫也多言盍嘗問焉師必

有名人之稱斯師也者則謂之何太宰嚭曰古

之侵伐者不斬祀不殺厲不獲二毛今斯師也

殺厲與其不謂之殺厲之師與曰反爾地歸爾

子則謂之何曰君王討敝邑之罪又矜而赦之

吳侵陳以爲己
元年
御師曰曰
乃入之寺
禮使正
人則
也
第五

師與有無名乎

顏丁善居喪始死皇皇焉如有求而弗得及殯望望焉如有從而弗及既葬慨焉如其反而息。

子張問曰書云高宗三年不言言乃謹有諸仲尼曰胡爲其不然也古者天子崩王世子聽於冢宰三年。

知悼子卒未葬平公飲酒師曠李調侍鼓鐘杜

禮子之喪事
而不
之
名
左
謂
實
為
卿
服
如

賁自外來聞鐘聲曰安在曰在寢杜賁入寢歷
階而升酌曰曠飲斯又酌曰調飲斯又酌堂上
北面坐飲之降趨而出平公呼而進之曰賁曩
者爾心或開予是以不與爾言爾飲曠何也曰
子卯不樂知悼子在堂斯其為子卯也大矣曠
也太師也不以詔是以飲之也爾飲調何也曰
調也君之褻臣也為一飲一食忘君之疾是以
飲之也爾飲何也曰賁也宰夫也非刀匕是共

又敢與知防是以飲之也平公曰寡人亦有過
焉酌而飲寡人杜蕢洗而揚觶公謂侍者曰如
我死則必毋廢斯爵也至于今既畢獻斯揚觶
謂之杜舉

公叔文子卒其子戍請諡於君曰日月有時將
葬矣請所以易其名者君曰昔者衛國凶饑夫
子爲粥與國之餓者是不亦惠乎昔者衛國有
難夫子以其死衛寡人不亦貞乎夫子聽衛國

之政脩其班制以與四鄰交衛國之社稷不辱
不亦文乎故謂夫子貞惠文子

石駘仲卒無適子有庶子六人卜所以爲後者
曰沐浴佩玉則兆五人者皆沐浴佩玉石祁子
曰孰有執親之喪而沐浴佩玉者乎不沐浴佩
玉石祁子兆衛人以龜爲有知也

陳子車死於衛其妻與其家大夫謀以殉葬定
而后陳子亢至以告曰夫子疾莫養於下請以

意

以其所以養養
之至以其所以
養葬之至

魯哀十四年
公奔齊二十六
年歸

殉葬子亢曰以殉葬非禮也雖然則彼疾當養者孰若妻與宰得已則吾欲已不得已則吾欲以二子者之為之也於是弗果用

子路曰傷哉貧也生無以為養死無以為禮也

孔子曰啜菽飲水盡其歡斯之謂孝斂手足形

還葬而無槨稱其財斯之謂禮

衛獻公出奔反於衛及郊將班邑於從者而后

入柳莊曰如皆守社稷則孰執羈勒而從如皆

檀弓

從則孰守社稷君反其國而有私也毋乃不可乎弗果班

衛有大史曰柳莊寢疾公曰若疾革雖當祭必

告公再拜稽首請於尸曰有臣柳莊也者非寡

人之臣社稷之臣也聞之死請往不釋服而往

遂以禭之與之邑裘氏與縣潘氏書而納諸棺

曰世世萬子孫毋變也

陳乾昔寢疾屬其兄弟而命其子尊已曰如我

公輸氏若其名方

小卒勿也

豐碑天子之制

樞諸侯之制皆所

以善禮廟葬紳以

下棺者

莫證曰嘗猶試也

得字絕句

死則必大爲我棺使吾二婢子夾我陳乾昔死

其子曰以殉葬非禮也況又同棺乎弗果殺

仲遂卒于垂壬午猶繹萬人去籥仲尼曰非禮

也卿卒不繹

季康子之母死公輸若方小斂般請以機封將

從之公肩假曰不可夫魯有初公室視豐碑三

家視桓楹般爾以人之母嘗巧則豈不得以其

母以嘗巧者乎則病者乎噫弗果從

魯哀公十一年
戰于郎濟後魯也

行故曰贈居故
西處

卷五

戰于郎公叔禺人遇負杖入保者息曰使之雖
病也任之雖重也君子不能爲謀也士弗能死
也不可我則旣言矣與其鄰重汪錡往皆死焉
魯人欲勿殤重汪錡問於仲尼仲尼曰能執干
戈以衛社稷雖欲勿殤也不亦可乎

子路去魯謂顏淵曰何以贈我曰吾聞之也去
國則哭于墓而后行反其國不哭展墓而入謂
子路曰何以處我子路曰吾聞之也過墓則式

過祀則下

手弓猶公羊傳

手劍離弓衣也

事在魯昭十二

年

魯成十二年會宣公

卒于御桓齊之誤也

襄陵前之事於時

屬主使諸侯禮至

出於諸侯

魯哀公二十八年朝

工尹商陽與陳弃疾追吳師及之陳弃疾謂工

尹商陽曰王事也子手弓而可手弓子射諸射

之斃一人韋弓又及謂之又斃二人每斃一人

揜其目止其御曰朝不坐燕不與殺三人亦足

以反命矣孔子曰殺人之中又有禮焉

諸侯伐秦曹桓公卒于會諸侯請舍使之襲

襄公朝于荆康王卒荆人曰必請襲魯人曰非

難以人君之事待
禮亦以人君之事
謂素王無賴王以
也而有聲台之府
惠伯敬叔從桓
惠伯之叔忌也
一曰先言及齊而
子已或忌忌日

辟讀為闕闕除
道路以書宮室

也

魯襄二十三年

齊侯襲莒杞殖

華還莒甲夜入

且于之隧隧狹

也鄭云或為

桓公

禮也荆人強之巫先拂柩荆人悔之

滕成公之喪使子叔敬叔弔進書子服惠伯為

介及郊為懿伯之忌不入惠伯曰政也不可以

叔父之私不將公事遂入

哀公使人弔蕢尚遇諸道辟於路畫宮而受弔

焉曾子曰蕢尚不如杞梁之妻之知禮也齊莊

公襲莒于奪杞梁死焉其妻迎其柩於路而哭

之哀莊公使人弔之對曰君之臣不免於罪則

已故諸君為記

為輜之重也故
為榆沈以滑之
欲沈之巖也故
設撥以冀之無
輜則無用沈無
沈則無用機輜
即前加齊于機
沈即沈蓋榆汁
也

將肆諸市朝而妻妾執君之臣免於罪則有先
人之敝廬在君無所辱命

孺子黷之喪哀公欲設撥問於有若有若曰其
可也君之三臣猶設之顏柳曰天子龍輜而棹
幃諸侯輜而設幃為榆沈故設撥三臣者廢輜
而設撥竊禮之不中者也而君何學焉

悼公之母死哀公為之齊衰有若曰為妾齊衰
禮與公曰吾得已乎哉魯人以妻我

季子臯葬其妻犯人之禾申詳以告曰請庚之
子臯曰孟氏不以是罪予朋友不以是弃予以
吾爲邑長於斯也買道而葬後難繼也

仕而未有祿者君有饋焉曰獻使焉曰寡君違
而君薨弗爲服也

虞而立尸有儿筵卒哭而諱生事畢而鬼事始
已既卒哭宰夫執木鐸以命于宮曰舍故而諱
新自寢門至于庫門

玉府之職曰常
王之獻玉是王
有獻賢之禮

二名不偏諱。夫子之母名徵。在言在不稱。徵言
徵不稱在。

軍有憂則素服。哭于庫門之外。赴車不載橐韞。
有焚其先人之室則三日哭。故曰新宮火亦三
日哭。

孔子過泰山側。有婦人哭於墓者而哀。夫子式

而聽之。使子路問之曰。子之哭也。壹似重有憂
者。而曰然。昔者吾舅死於虎。吾夫又死焉。今吾

魯成公二年新
宮火宣公之訓

文如鑑法

原本舊註本

大字本趙本

縣皆作子貢

家語諸之子音

是也

楊雄之論酷吏曰
虎哉虎哉而

名也

周豐又著述者

一字豈不該異

卷五

子又死焉夫子曰何爲不去也曰無苛政夫子
曰小子識之苛政猛於虎也

魯人有周豐也者哀公執摯請見之而曰不可
公曰我其已夫使人問焉曰有虞氏未施信於
民而民信之夏后氏未施敬於民而民敬之何
施而得斯於民也對曰墟墓之間未施哀於民
而民哀社稷宗廟之中未施敬於民而民敬殷
人作誓而民始畔周人作會而民始疑苟無禮

直云喪不慮居為
無廟也豈不謂
必擇地二尚就
鮮其美不唯明
二句為占
魯有照應

還與還同

義忠信誠慤之心以涖之雖固結之民其不解乎

喪不慮居毀不危身喪不慮居為無廟也毀不危身為無後也

延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其坎深不至於泉其斂以時服既葬而封廣輪揜坎其高可隱也既封左袒右還其

右還其到日

者三八字為句

二還其還其

其號也則國

氏以為家不

語讀為兩句

合不使感者

則無舍大但

命以合王適

徐君儲王其

居欲親舍故

推之于適也

廣大之意人

其事簡易則

易之禮人君

事廣則行禮

封且號者三曰骨肉歸復于土命也若魂氣則
無不之也無不之也而遂行孔子曰延陵季子
之於禮也其合矣乎

邾婁考公之喪徐君使容居來弔舍曰寡君使
容居坐舍進侯王其使容居以舍有司曰諸侯
之來辱敝邑者易則易于則于易于雜者未之
有也容居對曰容居聞之事君不敢忘其君亦
不敢遺其祖昔我先君駒王西討濟於河無所

之禮全臣而行居
禮則易子思矣魯
鈍也
子思之母嫁魯也
庶氏所死之家

不用斯言也。容居魯人也。不敢忘其祖。

子思之母死於衛。赴於子思。子思哭於廟。門人
至。曰。庶氏之母死。何爲哭於孔氏之廟乎。子思
曰。吾過矣。吾過矣。遂哭於他室。

天子崩三日。祝先服五日。官長服七日。國中男
女服三月。天下服。虞人致百祀之木。可以爲棺。
梓者。斬之不至者。廢其祀。刎其人。

齊大饑。黔敖爲食於路。以待餓者而食之。有餓

者蒙袂輯履，賀賀然來，黔敖左奉食，右執飲，曰：「嗟來食！」揚其目而視之，曰：「予唯不食嗟來之食，以至於斯也。」從而謝焉，終不食而死。曾子聞之，曰：「微與其嗟也可去，其謝也可食。」

邾婁定公之時，有弑其父者，有司以告。公瞿然失席，曰：「是寡人之罪也。」曰：「寡人嘗學斷斯獄矣。」臣弑君，凡在官者殺無赦；子弑父，凡在宮者殺無赦；殺其人，壞其室，洿其宮而豬焉。蓋君踰月

而后舉爵

文子趙武也
晉君賀其成室
為獻恐非或趙
武謚獻文耳
謂以禮落成從
之深為輪橫之
深為廣與煥通
因美而謚為善
頌聞過而引為
善福

晉獻文子成室晉大夫發焉張老曰美哉輪焉
美哉奐焉歌於斯哭於斯聚國族於斯文子曰
武也得歌於斯哭於斯聚國族於斯是全要領
以從先大夫於九京也北面再拜稽首君子謂
之善頌善禱

仲尼之畜狗死使子貢埋之曰吾聞之也敝帷
不棄為埋馬也敝蓋不棄為埋狗也丘也貧無

蓋於其封也。亦予之席。毋使其首陷焉。路馬死。埋之以帷。

季孫之母死。哀公弔焉。曾子與子貢弔焉。閹人

此狀也非參乎
賜也之狀也朱

為君在弗內也。曾子與子貢入於其廄而脩容

丁語錄云入到

焉。子貢先入。閹人曰。鄉者已告矣。曾子後入。閹

人家馬房做了

模樣進去出來

又做甚嘴臉

人辟之。涉內。霑卿大夫皆辟位。公降一等而揖

之。君子言之曰。盡飾之道。斯其行者遠矣。

陽門之介夫死。司城子罕入而哭之哀。晉人之

微無也不唯曾
而已雖天下亦
不能當也漢書
微將軍誰不欲
若台法同

覲宋者反報於晉侯曰陽門之介夫死而子罕
哭之哀而民說殆不可伐也孔子聞之曰善哉
覲國乎詩云凡民有喪扶服救之雖微晉而已
天下其孰能當之

魯莊公之喪既葬而經不入庫門士大夫既卒
哭麻不入

孔子之故人曰原壤其母死夫子助之沐槨原
壤登木曰久矣予之不託於音也歌曰狸首之

而過之接得妙無
不之也而遂行請
見之而曰不可責
似更有愛者而曰
然而字本是虛字
却作過接有力形
神俱妙瓦鑠亦道
也
予觀禮弓之文載
晉事尤妙如申生
知悼子奔秦穆公
弔重耳獻文子成
室及此節皆妙絕
今古超文人驟細
之於宋人謂蕭祖
戰國之世也

相上

斑然執女手之卷然夫子為弗聞也者而過之
從者曰子未可以已乎夫子曰丘聞之親者毋
失其為親也故者毋失其為故也

趙文子與叔譽觀乎九原文子曰死者如可作
也吾誰與歸叔譽曰其陽處父乎文子曰行并

植於晉國不沒其身其知不足稱也其舅犯乎

文子曰見利不顧其君其仁不足稱也我則隨

武子乎利其君不忘其身謀其身不遺其友晉

人謂文子知人文子其中退然如不勝衣其言
咄咄然如不出諸其口所舉於晉國管庫之士
七十有餘家生不交利死不屬其子焉
叔仲皮學子柳叔仲皮死其妻魯人也衣衰而
繆經叔仲衍以告請總衰而環經曰昔者吾喪
姑姊妹亦如斯末吾禁也退使其妻總衰而環
經

此與似大東之詩又
如龍尾等妻隱語
經人自能自能非

人謂文子知人文子其中退然如不勝衣其言
咄咄然如不出諸其口所舉於晉國管庫之士
七十有餘家生不交利死不屬其子焉
叔仲皮學子柳叔仲皮死其妻魯人也衣衰而
繆經叔仲衍以告請總衰而環經曰昔者吾喪
姑姊妹亦如斯末吾禁也退使其妻總衰而環
經

成人有其兄死而不爲衰者聞子臯將爲成宰

鄭注然猶焉也
陸注問所以然

望之愚婦人於以求之母乃已疏乎徙市則奚

穀則異室死則
同穴故善弟

若曰天子崩巷市七日諸侯薨巷市三日爲之
徙市不亦可乎

孔子曰衛人之祔也離之魯人之祔也合之善
夫

萬曆丙辰秋吳興後學閔齊伋遇五父識



卷一







